

Sakspapir

Saksbehandler	Arkiv	ArkivsakID
Lin Tove Thomassen	FE-033	23/173

Saksnr	Utvalg	Type	Dato
025/2023	Formannskapet	PS	06.06.2023

Orienteringssaker

Forslag til vedtak:

Sakene vert tekne til orientering

Saksopplysningar:

Formannskapet - 025/2023

FOR - behandling:

Ordførar orienterte om oppfølging etter ras og dialog med Vestland Fylkeskommune (vfl) kring rassikring både ved denne strekninga (mellom Slottsporten og eksisterande rassikra punkt) og andre aktuelle strekninger i kommunen. Det er mellom anna planlagt synfring med vfl i løpet av juni. Det var spørsmål frå formannskapet om bom ved turvegen inn til Trohaugen etter det gjekk ras der. Modalen kommune er i dialog med grunneigar om ferdselsårer, men reisande kan ta seg forbi på eiga ansvar.

Rådmann og ass. rådmann orienterte om:

- Visma Familia og integrasjon knytt til mottak av bekymringsmeldingar;

Modalen kommune nyttar systema, men ikkje den integrasjonen som Bergen kommune har meldt avvik om. Det vert følgt opp vidare om det potensielt kan vere andre integrasjonar opp mot systemet.

- Mottak og busetting av flyktningar;

Modalen kommune har vedteke å busette inntil 20 flyktningar i 2023, men det er ikkje kome konkrete anmodingar om busetting frå IMDi hittil i år. Det er kome ny anmoding frå IMDi om å busette inntil 25 totalt i 2023, og administrasjonen går i gang med å undersøke moglegheitene for dette.

- Forvaltningsrevisjon om oppfølging av politiske vedtak;

Det er pågåande forvaltningsrevisjon om oppfølging av politiske vedtak. I samband med denne er det sendt ut ei spørjeundersøking blant fast og varamedlemmer i kommunestyret, som det vert sendt påminning om i løpet av juni.

Teknisk sjef orienterte om:

- Moglegheitsstudie av kyrkjelydstomta;

Det er gjennomført ein moglegheitsstudie av Stiv Kuling Arkitekter av tomta på kyrkjelydteigen. I studien er det skissert ei løysing for bustadutbygting som legg til rette for å utnytte arealet maksimalt med 4 mindre, fleksible einbustader. Det er foreslått å bygge bustader på omkring 70kvm med saltak bestande av solsceller og skifer. Det er teke omsyn til fasade, form og høgde etter det øvrige bustadområdet og historikken. Det er ønskjeleg å bygge flesible bustader som kan passe ei brei og variert målgruppe. Saka skal til handsaming i Kommunestyret i førstkomande møte.

- Takoverbygg Mo skule;

Etter bestilling frå kommunestyret om takoverbygg på Mo skule, er det vurdert moglegheitene for eit takoverbygg på skulen som tek omsyn til prakisk bruk, vær og plassering. Modalen kommune har motteke alternative skisser for takoverbygg på omlag 90 kvm. Prosjektet vil vere klart for oppstart, så snart budsjettet vert handsama i haust. Innspel frå formannskapet er å sikre god forankring hos Mo skule.

Konsulent for kultur og fritid orienterte om:

- Turveg inn til Dagsturhytta;

Administrasjonen har følgd opp kommunestyret sitt vedtak og bevilgning om utbetring av turvegen inn til Dagsturhytta. For å gjere dette på ein god måte, er det undersøkt potensielt samarbeid mellom Modalen kommune og idrettslaget om utbetring av turvegen, og gjennom dette utvide moglegheitene for meir ekstern finansiering og samarbeid. Kommunestyret vil i førstkomande møte få lagt fram sak om dette.

Innpel frå formannskapet:

- Krav til hageavfall og drøfting i NGIR om omsyn og vurderingar knytt til dette

- Spørsmål knytt til handsaming av eigarskap og eigarskapsmelding i Modalen kommune.

Samrøystes vedteke

FOR - vedtak:

Sakene vert tekne til orientering